

六
十
種
曲

欽定四庫全書

卷上

第一齣

開宗

第二齣

憂國

第三齣

閨憶

第四齣

忠忤

第五齣

虜俠

第六齣

直諫

第七齣

勘責

第八齣

聞謫

第九齣

送別

第十齣

婿謁

第十一齣

計詔

第十二齣

成婚

第十三齣

春遊

第十四齣

訂訪

第十五齣

俠晤

第十六齣

謀歸

節俠記 上

第一齣 末上

滿庭芳 公子賢豪將軍義俠論交意氣縱橫仲寬
廷諍杖下死重生遠向嶺南竄跡因輜轡舊日姻
盟潛歸去風波平地夫婦各飄零 孤征邊塞苦
可汗雅重贈女殷勤恨讒言構難遁入胡塵鐵騎
挺身隨護交情重死有餘榮恩詔下除殘起廢完
聚樂昇平

第二齣

生冠帶扮張九上

夜遊朝龍種由來誇上選喜逢時早入天閑一片
雄心滿腔俠氣萬里鵬搏秋漢鷦鷯天自小豪雄
意氣揚翩翩結客少年場千金不惜酬知己一
劍還堪倚太行欲待警胡盈箱守官爲國有輝
光燕燕肯落定人後臨死猶聞俠骨香自家姓
裴名隲先本貫絳州人氏僥俠好交多才負氣
年方一會士歲官拜人快寺丞結客傾時不數
鷄鳴狗盜開樽入座足參龍子驕駒伯父裴炎
付中尊貴聘妻盧氏嶺外長流叟公子西園雖

浪追無忌之迹佳人南國能無歎莫愁之名正
待伯父退朝回來再作計議道猶未了伯父早
到牛冠帶份裴炎平丑人隨上

前腔左相東臺身貴顯冠惠文貂尾金蟬職管喉
唇官居帷幄國步豈容傾嶮生見介外多懸未報

十人恩膏美常懸捧日心北極朝廷終不改西
山寇盜莫相侵下官裴炎是也身受遺詔位列
台衡爭奈母后華張天王播越張昌宗武承嗣
既憑狐鼠之奸李敬業賂賓王復張蛇豕之暴

姪兒國事如此如何是好

啄木兒鸞旗遠鳳駕遷龍聚居尊國運艱這牝雞
鼓翼司晨那雄狐肆志滔天魚書復起潢池亂狼
烟直照甘泉遍怎得虎踞龍盤保百年

生

以姪兒

論來太后睚眦邪佞殘害忠良殺子屠兒弑君
醜母猶復包藏禍心竊神器神人之所共嫉
天地之所不容李敬業公侯冢子駱賓王詞賦
名流共起義旗匡復唐室州郡響應朝野震驚
正當趁此時節遲延不討留住大兵看有機會

劫遷太后于內殿奉迎大駕于房州則人心自服天下自安維揚之師可傳檄而定矣

前腔雲龍會豺虎邊燕啄皇孫敢肆奸自當年白馬渝盟致今朝赤狗漫天爲今之計呵除是麟符謹按觀機變驚輿反正從人願會見鳳翼龍鱗慶百年外姪兒所見極是只是少一個將兵的生姪兒賓客中有一果毅都尉李多祚忠誠許國勇略過人若委將兵定不辱命外

三段子珥貂有年侍鵷鸞恩深九淵驅狐甚難將

貔貅機藏九天

生

他酬恩龍劍堪臨難匡時豹略

能觀變若使掃蕩鯨鯢管萬全

小生冠帶扮李多

祚上

幾回奏事建章宮聖主偏知漢將功身著

紫衣趨闕下口銜丹詔出關東自家果毅都尉

李多祚是也奉命賁詔出京特來拜辭裴侍中

與他令姪

向維介

說我賁詔出京特來拜辭

報介外向生介

他既要到京適纔商議的且未

要與他講罷

生應介外向維介

道有請

小生進

見拜外揖生介李多祚爲賁詔出京特來拜辭

又是甚麼詔生過境太早降出旨意
收元光宅服色旗幟皆從金色官名都已收了

頒詔天下 外怒介

歸朝歡豺狼性豺狼性虺蜥似姦要把那鴻圖更
變改甚麼改甚麼龍絕鳥官料金天豈是你妖狐
稱亂 生小生斷熬煉石聲名遠漢時呂雉誅夷慘
看你這虎噬鵠張怎保全

外百官何日再朝天 生萬事傷心在目前

生但用東山謝安石 合看題日月更高懸

第三齣

老旦扮盧瑛旦扮盧氏上

薄倖遲日催花東風淚眼嘆佩蘭香老子規聲斷

旦淡雲閣雨輕寒輕暖

合

屏山掩壓重簷半庭清

晝向南樓一聲歸雁

相見介老旦

愁見游空一箇丈

絲春風挽斷更傷離

旦

閑花落盡青苔地盡日

無人誰得知

老旦

老身左拾遺盧藏用之妻是

也系出宦門流居粵徼先夫中年見背老身晚

景無依止生一女小字鬱金明喚玉山美奈螺

女雲鬟翠黛不讓班石珠今憑質蘭姿何異香

林神艸但衡陽雁影盡日孤飛庾嶺梅花終宵
冷落如何是好且母親這到不必掛念只是巢
居有日稚紛堪悲戶外之雀可羅堂前之燕盡
去母親年高孤寡蒲爛將衰孩兒弱息伶仃蘭
湖未秀好傷感人也共悲介

傍妝臺

老旦

淚闌干北邙松柏鎖愁烟舊時王謝

堂前燕早隨陽雁及春還更憐我一身去國三千

里萬死投荒十二年

合

歸雲盡落日殘故園相望

路漫漫

節俠記

前腔

旦

鶯啼燕語報新年
遊人陌上拾花鈿
偏我

母子呵孤情迴出鷺鷥灘
花偏自犯江寒

背

介
好教我機中錦字論長恨
樓上花枝笑獨眠

介前老旦

孩兒你的父親在日曾將你許與裴

侍中之姪裴仙先近日聞得它做了太僕寺丞

但裴郎宦游京邸你我蓬飄嶺南歲月蹉跎音

書斷絕你看這時候呵

前腔

藍田日煖玉生烟
教人氣盡憶長安
平沙渺

渺迷人遠無因雁足繫書還
他那裏支離東北風

塵際我這裡漂泊西南天地間

合前

前腔

旦

你老年花似霧中看不如高臥且加餐若

論孩兒的終身呵芙蓉帳小雲屏暗料不做朝

朝應上望夫山

老旦

雖如此說只是何來富貴如

今一時怎消受得這般光景

旦

呀母親再休提

妝樓翠幌教春住舞閣金鋪借日懸

合前

紗牕日落漸黃昏

金屋無人見淚痕

寂莫空庭春欲晚

梨花滿地不開門

第四齣

爭冠帶扮武承嗣上

金殿當頭紫閣重鳳城連夜九門通爐烟乍起
開仙仗玉佩成行引上公自家左丞相魏王武
承嗣的便是荷椒房之戚柄政當朝叨桐葉之
封食采于魏今日俺姑娘則天皇帝登極文武
官僚蠻夷酋長俱朝見于光順門外不免在此
伺候 丑冠帶扮李秦授上 稱闕連車載拾遺平
斗量湖心存撫使昧目聖神主下官李秦授官
居補闕寔歉箴規意在逢君專工讒佞今日天
后改唐爲周百官朝賀聞得還要立武氏七廟

若立得成武承嗣定立爲太子待我先去奉承
它一番等它做了皇帝怕這丞相不是我的遠

遠望見光順門邊站的想是魏王且上前恭見

則個見介丑啓上大王小官袍笏在身不敢參

拜爭補闕請了末冠帶扮思摩上長安雪後似

春歸三殿花香入紫微渭水自縈秦塞曲併將

歌舞報恩輝俺乃思摩可汗是也蒙唐天子封

俺爲和順郡王統領幽州部落今日天后臨朝

特來稱賀與衆請介外生同上

北點絳唇

外

一統山河盡歸女主歎唐家宗社丘

墟

生

何日裏驅諸武

與衆見介丑對淨介

天色將

明聖上傳宣升殿怎麼還不見六郎出來

淨不

消忙得一定就同聖上出來了

老旦冠帶蟒衣

扮武后小生冠帶扮張昌宗旦駙扮宮女雜扮

宦官隨上

前腔

老旦

夢裏歡娛漏傳五鼓臨朝宇齊祝嵩呼

小生

臣入幕叨恩溥

老旦

鐘鼓餘聲裏十宮兩紫

微

小生

小臣瞻日月歌舞共春輝

淨頭介

臣張

昌宗見

老旦

你上殿來

衆跪介淨

臣武承嗣見

列臣裴炎見

丑

臣李秦授見

生

臣裴仙先見

臣思摩見

老旦

衆卿率身

衆

是介老旦

朕承天

衷祥已經頒詔四方官爵悉照新規旗幟盡從

金色

淨跪

臣啓奏陛下唐之七廟乃李氏之祖

宗陛下既有天下當立武氏七廟

老旦

卿言正

合朕意着該衙門官擇日興工建立武氏七廟

淨領旨

丑跪介

臣奏陛下還當立親姪爲太子

纔是

老旦

秦授之言似亦有理

外跪介

呀陛下

創伊訓

受先帝顧托若立武氏七廟又以天下與姪則

唐家不血食矣老臣死不敢從

老旦

此朕家事

豈尔所知

李

臣奏陛下裴炎老矣不足與謀

外

李泰授你差矣武承嗣乃太后之姪欲立老

廟固不足責尔寔唐家事子安得爲此叛逆之

言

外此起介

北溪繡球

外

哎俺本特要掃浮雲揭太陽斥群邪

回衆望只這一時兒怎看得那奸雄伎倆

丑

誰是

奸雄

外

聽着恁這厮們說短論長把那朝綱那

宗廟日漸淪亡便是那唐天子也不免廬陵虛王

丑 老相公你可自反一反廬陵王之事難道也

是我李秦授 外 誰知道恁恁 雖黃慣使着猖狂

却不念食風沐雨先皇創業多辛苦到做了個棄

正趨邪沒主張 丑 我怎麼沒主張聖上貴爲天子

立七廟追王其祖建嗣以延武氏宗支此是正

理到說是趨邪 外 尙說甚麼建嗣追王 老旦 裴

炎你爲宰相的不思盡宰相之職到與李秦授

在殿中爭鬪是何道理假如昨日李敬業的數

文出自賂賔王之手人有如此之才而使之淪
落不偶你亦不得無罪如今他哨聚維揚正當
興師討罪克期收復你乃遠巡觀望意欲何爲
着裴炎與文武百官退在光順門外議了來說
張昌宗我與你且入宮去罷
老旦携小生官監
俱先下
聖上大怒入宮去了
丑老相公如今
李敬業作反京師震驚何人爲將何日出師事
不宜遲了

北滾煞尾

外

那李敬業呵只爲安主在朝端上因

此上仗義興兵挽大唐若得乘輿返建章社鼠城
狐遠遁藏那反側聞風自請降今日呵君側奸邪
正未央討叛除殘氣不揚恁道滿目烽烟遍四方
俺道禍起蕭牆真可傷便待命將提兵難攔當怎
把我待斃孤臣來倚仗

丑向內跪介

臣奏陛下李

敬業克取潤州金陵危在旦夕裴炎不欲出師

實有同謀之意今日不斬裴炎它日必然裏應

外合爲禍不小

內

聖旨道來侍中裴炎鑒乏知

人心存助逆不欲興兵討叛明與敬業同謀着

倒行言

武承嗣李秦授押赴市曹梟首示衆 小生旦扮

二將軍拿外介生哭扯外介止爭同押外下生

哭介 哎怎麼好不免就上封事爲伯父稱冤便

了 哭下末 好漢子好漢子中國畢竟有人 歎下

第五齣 小旦扮閨華旦扮侍女隨上

霜天曉角海棠睡醒曉日窺妝鏡翠黛眉灣漢月

清絲髻挽烏雲搗練子春寂寞影徘徊片月寒生

玉鏡臺無可奈何花落去似曾相識燕歸來奴

家可汗之女閨華是也身長望夷情偏婉媚揮

絃撥調楚楚多奇約髮暈眉新新無已我爹爹
因則天皇后臨朝入京稱賀去了還不見回來
你看這些時節海雲無葉山雪飛花北單王孫
悵行春之有南鄰少婦歎拾翠之無期白艸
黃榆何似南單蕙畹胡琴羌笛終非子夜前溪
正是青海城頭空有月黃沙磧裏本無春好不
凄楚人也

六犯清音 樂州 岸蔥山橫黛榆河開鏡遙障時侵
日影凭闌無語自憐身染胡塵鞋枝香春色臨關

盡黃雲出塞橫
甘州歌
蘇絲眉落絮零多情常自
不勝情
傍妝臺
恐聞折柳悲春曲
怕聽吹笳斷夜
聲
我想皇都這
時節
呵
早羅袍
屠蘇進煖手規
弄晴韶華爭上
春風髻
黃鶯兒
願花神平分花信
採取一枝新
未扮思摩可汗騎馬丑雜扮從人隨

上

西地錦
禮樂夷風歸正衣冠
漢制常新
函關回首
長安近
恍聞上苑鶯聲
俺思摩可汗朝覲回來早
已到門首了
左右的迴避
丑雜應下小旦見介

爹爹可來了皇都的光景好麼說與孩兒知道
未幾介說他何用如今皇都這樣光景有甚好
處來

風入松俺抵見皇州春色起愁城白日渾無精景

小旦爹爹這等說起來難道到不如俺這裏末

俺這裏蠻夷尚識君臣分小旦爹爹這是怎的

說末孩兒你那里曉得如今女主當朝更兼奸

臣竊柄滿朝的官只有裴炎侃侃直言又被衆

人羅織登時就殺了小旦有這等事可惜可惜

末 他還有一個姪子裴仙先年方十七官居寺丞又要上封事不知怎麼了抒孤憤犯顏匡正草短疏含冤叩闥憐忠義萃一門

前腔

小旦

朱雲折檻枉嶙峋忠赤有誰憐憫爹爹

你怎麼不救他一救也學那滿朝的官做寒蟬

聲咽西風緊

末

呀我們是夷人怎好干預朝政

小

旦

正是爹爹我們管他則甚趁這時節呵且莫

惜歌殘舞困還自樂朱圍錦屏任理亂不須聞酒

樂備在後園請爹爹歸座

末 樂聚南宮宴

觴連北斗釐

小 緩歌將醉舞

宜拂繡衣塵

第六齣

老旦扮武后 小生扮昌宗 淨扮承嗣 旦扮宮女 外扮宦官 從上

秋葉香

老旦

一統華夷環向奈朝端羣小講張

生淨

巍巍聖主計周詳有何事更須酌量

小生

叩頭介

臣張昌宗叩頭願陛下萬歲

老旦

愛卿

起來

起介叩頭介

臣武承嗣叩頭願陛下萬

歲

老旦

我兒免禮

起介老旦

昨日裴炎謀叛已

伏其辜他姪兒太僕寺丞裴仙先又上封事請

見要面陳得失甚是可惡且召他進來看他怎
麼傳旨召裴仙先

外雜召介生冠帶上

玉井蓮丹心一點奏明光拚死忠貞無兩

外雜裴

仙先當面

生

臣裴仙先見

老旦

汝伯謀反干國

之憲自貽伊戚爾欲何言

生

臣今爲陛下計安

敢爲伯父訴冤夫陛下先帝皇后唐家新婦

今先帝弃世陛下臨朝理當委任大臣保其社

稷東宮年長復子明辟以天下人之望奈何遽

自封崇私室擅立諸武爲上誅斥唐宗自稱皇

平海山憤懣蒼生失望臣伯父忠子忠室反誣
其罪陛下爲計若斯臣痛惜臣望陛下復立
唐家社稷迎太子東宮則陛下萬統諸武獲全
如不納臣言天下一動大事去矣存辭之誠可
不鑒哉

八聲甘州乘輿艸莽似炎精息焰諸呂稱王神人
失望怎做得幕燕如常一時速正乾坤象片騷無
侵日月光早防任深宮高枕徜徉

前腔

老旦

荒唐少年鹵莽似杞人憂慮終孺猖狂

淨小生

因仇造謗這胸中機變非良

生

漢時屈族

終淪喪唐室山河莫妄量試詳看它年產祿堪傷

老旦

這都是柯黨裴炎的說話

解三醒

生

我非是一家阿黨也只為萬古綱常由

來婦道無相抗怎臨朝擅奪乾綱

老旦

何物物小了

敢發此言扯他出去

外雜扯生介生留介天時

災異徵非妄人事兵戈勢已張

老旦

快扯出去誰

聽你虛誑之言

外雜又扯生又留介

非虛誑誰

乘時反正莫言貽殃

老旦

快扯他出去

外雜其生

生反顧介能用臣言猶未晚也外雜扯生下介

前腔小生爭歎無知窮酸魍魎做當車怒臂壁壘

出言厮挺真無狀怎饒他法雲陽老旦他言詞

喋喋雖不妄意氣翩翩其老旦小生爭同應介老

須輕放淨小生又應介老旦看青年美質忍使

淪亡裴仙先着該衙門官在朝堂上勘杖一百裴

流嶺南淨領旨

老旦澹淡春光滿曉空不應黃葉久從風

小生已知聖澤深無限淨共識皇恩造化同

第七齣

丑扮李秦授上

上林春堪笑狂生意氣豪遇冤家看他怎了懼法
朝朝樂欺公日日憂欺公猶自可莫教撞對頭
那裴炎前日在聖上面前甚是無理被我奏他
謀反聖上大怒登時殺了他他姪兒還不識時
氣又去上甚麼本陳甚麼得失今日發在朝堂
着我勘杖一百遠流嶺南我想這個小小後生
喫得多少苦起重打幾下送了他性命有何不
可校尉何在

宋維分二校尉上應介丑令打

這犯人是反賊親姪又去上了本聖上極惱他
可赦幾下打死了他朱雜應介生冠帶外雜押

上宮門深鎖綠楊天雲落殘魂倍黯然賈誼上
書憂漢室長沙謫去今憐自家裴仙先真諫
忤旨決杖長流不免到朝堂受罪去也

北賞花時俺把那一片忠心撼九霄誰道是觸犯
天顏起怒濤由你那萬里瘴烟遙儘着這鞭筆多
少大丈夫那怕那七尺掩蓬蒿生對丑介丑裴

仲先你這殺不盡的反賊不知一些法度所以

造反你今日既有了罪如何不跪生沒有聖旨

在上難道跪你丑快請聖旨過來旦捧旨上生

跪介旦

裴仙先着諺衙門官在朝堂上勘杖一

百長流嶺南生跪叩頭稱萬歲介丑拿下末羅

喊介生從容解衣介

北後庭花煞解下了褻精忠青錦袍除帽介除下

了能敬懼烏紗帽只道做鯨鯢遭天討誰永望止

鞭笞離聖朝丑笑介你爲伯父傳寬伯等英雄如

今在那裏了生比似你奸邪們位便牢那能勾

千百年常自保怎如我看微一隊值幾毫視浮生等

一毛皮書中上首標姓名見丑世道丑你死在眼

前了尚不自知還要講甚麼生窮通生死都休

料滿揔杖下微軀盡肯向人照壯氣消死便也還

含笑伏地介甘與那龍逢結伴丑每日償地下消遙

末雜杖介生作死介末報丑介丑這是聖旨不

論死活定要打完的末雜又打至九十八生醒

叫天介丑驚喝重打介末雜又打至一百介小

丑扮解子上丑向小丑介丑即刻押赴嶺南不許

蓬滯 小上應押生介

生 崇山瘴癘不堪聞

目小 北望衡陽雁幾群

丑 兩地江山餘萬里

何時重謁聖明君

第八齣 旦上

亭前柳枝上弄鶯簧喚醒夢魂香朦朧勾睡臉倦
怯試羅裳爲誰瘦損嬌模樣自覺愁來一日卽爲
長如夢令樓外殘陽紅滿春入柳條將半桃李不
禁風回首落英無限腸斷腸斷人共楚天俱遠
奴家幼遭不辰遠流此地但見石室烟埋古桂

高臺月冷啼猿有托之
萬籬飄零沒定及時之
桃李黯淡無顏一榻清幽
寶篆沉烟暮終身孤
另翠被曉寒輕當此春色惱人
好難消遣也

小桃紅東風掠髻初日凝妝
睡起嬌無力也暗惜
流光鏡臺羞自對膏沐爲誰芳
冷落鴛鴦枕翡翠
衾與那芙蓉帳也含嬌誰倚
傍轉添惆悵春日偏
能惹恨長

前腔香銷鸞鳳屏掩瀟湘寒透
羅衣薄也錦瑟淒涼
斷腸芳艸碧牽恨柳絲黃
怕對標梅實唐棣穠

與那天桃放也闌干閒自傍沒些情況欲捲珠簾

春恨長

老旦扮盧母急上介

下山虎

心旌飛越步履倉皇

旦見介

呀母親爲甚

麼事這等慌張

老旦

嬌倩驚風浪他一朝白簡

飛霜誰料天顏難抗致令鍛羽投荒聞此踟躕欲

斷腸

旦背悲介

回首長安望中心暗傷愁聽清猿

夢裏長母親敢怕信息未真

老旦

他因伯父直諫

被奸臣羅織立時賜死就上封事面陳得失武

后大怒廷杖一百流發嶺南院子適才在街坊

上來親見刺史差人迎接他去了怎的不真

前腔橫行魍魎屠毒忠良一室遭羅網孤身遠謫

蠻方消金咳我子母流離又遇這樣的事真個屋

漏更遭雨驟行船又被風狂不是愁人亦斷腸我

心中甚放不下就要叫院子去迎接他了踪跡

多飄蕩雲山渺茫地角天涯未是長院子那裏未

上堂上聞呼喚堦前聽使令稟老夫人有何分

付老旦如今裴爺遠來路上不知怎麼我差你

一路迎接上去你可卽刻起身未應介老旦你

聽我道來

一封書他翩翩畫省郎旅服那經驛路霜你去見
他時對他說我這裏呵雖越在遐荒喜春光似

洛陽莫歎

天連銅柱蠻烟黑地接珠崖海氣黃

合

在華堂盼

湘江一水牽愁萬里長

末小人見裴爺

呵

前腔從

志激昂繞指難柔百鍊剛料忼慨東行

裝把單車

赴夕陽怕甚麼射工巧伺行人影颺母

偏驚旅客

航小人就此前去

合離華堂問湘江風

便那知道路長

鵬鳥

巢南更數千

明時非罪謫何偏

榮桂

盡寄浮雲外

哀樂猶驚逝水邊

第九

齣

淨丑外扮一冠服一行衣一野服上

菊花新論

交却憶十年時駐馬銜杯問謫居白日

麗南隅別

路青青艸細

各相見介

我們這數百人

素與裴

太僕情洽金蘭義輾生死未圖犬馬違

隔參商

同到長亭送他一程

爭丑

呀果毅都尉

李多祚

平日與裴太僕極厚聞得他賁詔已回

市夾已上

二十一

怎麼到不見來并李都尉是個有義氣的漢子
決不如如此說話之間遠遠望見的是李都尉來
了小生扮李多祚便服上

挂真兒愁聽啼鳥頻求侶憐知己剗地分離千里
含情一杯促膝惆悵青山綠水與衆相見介小生

諸兄到此想是送裴太僕麼衆然小生呀諸兄

還不知道那李秦授害老相公的時節說老相
公有反叛之心如今諸兄止數百人在此倘若
奸人知道又好說聚衆謀反了諸兄到不如請

下官少間見裴兄時道達盛意便了爭五雖
則如此說難道獨是兄送得的小生下官遠回
尚未相會還有一事要與裴兄商議故此潛來
若諸兄昨日一定安慰他過了何必拘拘在此
一送衆正是正是我們如果有心他日到嶺南
去看他便了猿啼客散暮江頭一別心知兩地
秋總爲浮雲能蔽日長安不見使人愁衆下生
巾服扮病雜扮從小旦扮解子上

唐多令病骨苦支離孤身歎路歧可憐人世隔雲

泥瘴雨蠻烟迢遞愁似織淚如絲

小生相見介生

渭城朝雨浥輕塵客舍青青柳色新

小生

勸君

更盡一杯酒西出陽關無故大小弟蒙相公國

士之知感仁兄虛左之遇自足千古永戴二天

不意昨日賁捧方回相公已羅大辟仁兄遠謫

炎方既賴太山復壤喬木如何是好

生顧介

有兄一人在此麼

小生

正是那許多賓客一齊

都來候送小弟又恐觸奸人之忌一力阻他

回去了

生

這個見得極到

未分堂候官上

陶鈞方恩迴日月光

見生叩頭介小的足平意

事魏玄同老爺差來的爺說多多拜上向與
相公交厚今裴爺遠行極該親自來送因朝中
有事特差小官賁驢車一輛俸金百兩奉送老
爺生這驢車我正用得他着多拜上魏爺說我
都收了末應下外扮王府官上夜玉粧車軸秋

金鑄馬鞭

見介

小官是瑯邪王差來的說不好

出城送爺差小官賁黃金百鎰彩段百端以爲

贐敬

生

多謝了爲我啓上大王說我收了

外應

下小生 小弟本該遠送苦被微官所縛不能脫

身聊具杯酒少壯行色

把酒介

傾杯玉芙蓉 州色青青送馬蹄行止皆無地可憐
你孤鳳辭巢匹馬投荒門外風波眼底睽違三洲
水淺魚難至五嶺山高雁到稀生不遇令英雄短
氣問驅馳何年却向帝城飛 兄你一向因盧公
家眷流居嶺南姻事久羈如今此去雖是炎荒
辛苦却好完此終身大事

生

哎李兄小弟心在

朝廷之上全無室家之思

前腔嘆惜人間萬事非揮手從茲去小弟此行不
愁那夜火山妖毒霧蠻蛇桂嶺炎蒸鬼國羅施
只愁異日呵王侯第宅皆新主文武衣冠異昔
時生不遇令英雄有氣歎驅馳離筵散處白雲飛
小弟就此拜別

別介

烟照慘平林孤雲在比心

小生

艱難此爲別惆悵一何深

下介生上驢車

行介

普天樂犯柳絲垂牽愁緒馬聲驕嘶長路我本待
頌黃臺反正乘輿又誰知賦離騷放逐湘纍飄零

何處一生忠膽能爲祟鳳朝陽與孤鶩齊飛只恨

鷹隼張威

準扮將官上金壇申將禮玉節受軍符

見生叩頭介小官是河南巡撫狄仁傑老爺差
來的說拜上裴爺聊具菲儀百金爲一路盤費
改日回朝還要上本與裴爺自寬遠勞你了
多拜上你家老爺

準應下生

朱奴兒犯看衡陽雁飛錦字聽羅浮猿啼哀淚此
時對景遙相憶益添我旅思凄其遠擅寶壘祠烟
藏翡翠逢人嶺外稀更自傷情處枕櫺柳葉暗攢

官吏上嶺外資雄鎮朝端寵節旌

叩頭介

官吏是嶺南刺史差來迎接老爺的

多勞你們了你們暫且先回

外丑

要領回書

生

你說我得罪于朝廷今爲老爺部下編民不好

回得書到日自來拜謝

外丑

應下末扮院子上

天南愁緒絕臨行意緒長

見生

叩頭介

小人是

盧老夫人差來接爺的

生

老夫人一向好麼

仗庇粗安

生

我一到此要拜謁老夫人你隨我

同去

末應介

節供設

尾聲

生

南浮漲海人何處夢斷王孫歸路迷落日

亭亭向客低

潮州南去接宣溪

雲水蒼茫日向西

客淚數行先自落

鷓鴣休傍耳邊啼

第十齣

老旦扮盧母旦同上

長相思瑣窓寒怨寂寥更憶王孫魂轉踏莎行路

遙

旦

玉樓春景自饒我倦尋芳困碧桃綺羅香漸

銷

老旦

春日載陽出自東方

旦

蕭蕭楊柳集千苞

老旦

所謂伊人格車乘黃旦勞心怛阻旦難

其亡老且我一向爲你標梅待日破瓜紅期如
今裴郎也滴在嶺南你的終身事到可完了但
他弱質伶仃怎耐鞭笞痛楚豪門安樂那禁道
路流離未知他在路上安否何如又未知何日
得到這裏前日已差院子過嶺去迎他一去音
信杳然好生放心不下

二郎神心如擣爲征人愁占著艸盡日綿綿思遠
道他青年貴介怎禁途路岩巖須知芳艸伴人還
易老更風霜有誰相靠粵雲遙好教人孤帷望斷

征輶

前腔

旦

母親你休焦長沙雖遠曾羈年少世事茫

茫難自料

背介

雖則如此說關山阻隔知他甚處

飄飄人在夢中何日到好教我長皺眉梢

轉身介

中庭悄聽嬌鶯聲聲若訴無聊

生巾服未從上

轉林鶯夕陽影裡斜度鳥迴瞻鄉路迢迢老夫人

家去此還有多少路

末

過石橋便是了

生

藍橋

應有裴航棹

整衣介

試征衣山翠拂行鑣

到介末

此間已是裴爺少待

進報介生

你看幽居悄悄

蛛網無人到

老旦對末介快請進來

觀旦介

孤兒你且進去

旦應介

舞榭妝樓處處遮門前

初下七香車

下末出謂生進介生

坐相邀秦樓

逕入耳畔恍聞簫岳母請坐女婿拜見

老旦行路

辛苦免拜罷

生拜介

江入千峰暮花連百粵春

老旦答拜介

秦樓憐白髮楚澤怨青萍院子快

備飯來

末應介老旦

前腔風塵荏苒音信杳教人夢想常勞今日呵相
逢更覺傷懷抱你數奇未偶忠信涉波濤驅馳縹

縵又未審程途安好挹丰姿衛郎玉潤愁破在今
朝賢婿你已往的事老身盡知只是一路上不幸

苦麼生聽稟

啄木鸛嗟鳴鳳恨驚鴉賦就悲生同鵬鳥喜得管

鮑交情多憐范叔綈袍因此上虞翻落魄心猶傲

形容幸不淪枯槁

老旦

這等還好

生背介

暗心焦

屏懸孔雀何日鵲填橋岳母一向好麼

老旦

前腔悲離袂折大刀蒲柳摧殘同露艸欲問我畫
日行藏只看短髻蕭蕭幸得桃花一樹堪娛老又

歎紅鸞影裏孤星照今日得你到這里呵耀蓬蒿
并開孔雀卜日鵲填橋宋稟老夫人飯已設在後

亭了老旦請進步坐

老旦逆旅相逢處江村日暮時

生長安如夢裏何日是歸期

第十一齣丑扮李秦授上

生查子孺子犯天威遠謫投荒裔只道瘴烟悲却

赴鴛鴦會禍兮福所倚福兮禍所伏裴仙先違犯

聖上傷觸我們前日央杖一百流發嶺南誰想

這賊骨頭打又打他不死去到嶺南恰好他原
定的妻子正在此處只當選他去做親甚是氣
他不過不免往見魏王商議一計安排他纔好
迺選行來此間已是魏府了有人在此麼

小旦

扮內官上

當年許史宅昭代帝王家那一個在

這裡

丑去鬚趨揖介

老公公拜揖補闕李泰授

求見大王

小旦

~~拜~~補闕是有鬚的如何沒了鬚

丑

老公公不生鬚小孩兒焉收生鬚

小旦

這官

兒到會講話俺與你通報便是

丑躬上趨介

旦向內介

大王有請

平發武承嗣上

前腔帶冕侍黃屋
祭戟開朱邸
尊酒送良時
歌舞

娛長夜

小旦報介

尋着他進來

小旦引丑進見介

李秦授拜見大王

平

補闕少禮
補闕今日到來

有何見教

丑

裴氏伯姪冲突聖上
觸犯大王甚

是可惡後來裴炎斬首市曹
仙先却從薄罰誰

想仙先杖後畢竟不死
流到嶺南恰好他定的

妻子也在那裡却不是
到成就了他的親事心

中甚是不甘特來啓上
大王須在聖上面前

撥一聲殺了他纔好

淨數介

你那裡知道前日

召見的時節我再三勸殺了他誰想聖意甚是
爲他着寔稱贊他到像有些看上了他的意思
倘若召用了他如何是好丑這也不難我們就
把奉承張昌宗的嘴臉撥將轉去奉承他便了
淨他是個蹊蹺古怪的人如何好奉承的況且
他心懷舊怨怎麼肯與我們干休丑既然如此
下官有一計在此如今聖上宮中止是張昌宗
弟兄侍寢他們近來也覺有些厭倦我們及早

多進幾個人進去使聖上應接不暇自然不思

量他了爭說得有理妙妙只是一時那得有這

等豪傑沉吟介有了我見那戶部郎宋之問半

妄出衆才學過人這人去得麼丑大王還不知

道他前日獻明河篇求用聖上道他有口過不

中意他如何去得大王你道這件事那裏用得

才學着的我到訪得有兩個人一個是御醫沈

南璆一個是和尚薛懷義現在千金公主家裏

這兩個人呵

寶作詞

剔銀燈

論丰姿非凡可擬況材具如今無比一朝

聖

歡喜是微臣區區孝意二人在朱門久棲

論親情豈容他自私

爭

好好正是這等樣爲朝廷

纔見得是個補闕這件事明日早朝就要奏聞

聖上了裴仙先那一節還須要你在意

前腔他狂言甚無忌諱奈聖恩反加寬恕料來已

作炎荒鬼那恁他如魚得水這廝少年場妄爲要

留心好尋他事機

丑

領命

南天瘴癘和

行矣慎風波

學
明朝有封事

數問夜如何

第十二齣

末扮院子上

一飲瓊漿百感生
玄霜搗盡見雲英
藍橋便是神仙窟
何必崎嶇上玉京
自家廬府中
院子是也
今日俺小姐與裴太僕爺成親
不免在此伺候
但見皎皎明月煌煌列星
鮮潔潔玉宇雲開
碧澄澄銀河水瑩香焚百和
拂拂霏霏正看寶鼎長春燈
上九微燦燦爛爛
還見瑤臺不夜
續續紛紛的杏梁桂棟
掩映琉璃鮮鮮灼灼的椒

閨蘭芳蔽虧繡錦炫金鋪烟烟爍爍鳳吐流
霞玉朗珠明陸離離龍嘶寶樹迎朝
日更有那妖妖嬈嬈的夜月情朝雲笑佳人絕
世無雙合配着濯濯軒軒的春柳態曉霞標快
塔當年少匹這壁廂正當時來金屋亭亭繚賦
標梅那壁廂恰好滴下瑤池盈盈便欲采芳煇
煇的玉勒金鞭的龍媒麟種作備那仙子會
星橋玲瓏瓏絕疎珠箔的鸞馭鵲與專待那
嫦娥離月殿華堂上擺列着鵲笙象板燕鳴簫

鳳簫一聲聲奏出相和之音綉閣中陳設著
寶鏡鴛帷龍鬚席鳳紋衾一件件鋪就成雙之
象尊開玄碧清清真湛遙引着蒲洲蘭湖有存
芳馨馥馥芬芬盡指着香林神艸只見那合歡
杯連理衣交龍錦雙絲絹同功縣比翼扇並根
粒行行列列的盡是禎符又見那合歡結連理
樹交頸鴛雙飛燕同心鳥比目魚竝蒂花疊疊
重重的悉呈瑞應晴光漸煖急釀成氤氲氤氲
的一陣麝蘭香和風乍來又送到丁丁嚙嚙的

幾聲環珮响碧簫裊裊早是那佳期將近仙人
樓上鳳凰飛翠杼沉沉會見那好事非遥織女
橋邊烏鵲起晶晶的雀屏開處分明葉葉相當
雍雍的鳳卜占來真個枝枝相值人如月夜如
年歡情洩洩不羨他神游閬苑三千朝行雲暮
行雨笑臉依依不數那夢到巫山十二但願璧
月夜夜滿山盟海誓不渝更新瓊枝朝朝新地
久天長無量正是主孫帝女下仙臺金榜珠簾
入夜開遽惜瓊筵歡正洽惟愁銀箭曉相催道

猶未了夫人早到 老旦上

意難忘前春色正芳妍看群祥既集二姓交歡
屏凝瑞靄寶屨攏香烟可憐桃李徑更繞鳳皇臺

仙媛乘鸞日天孫捧雁來院子那裏 末應介老

旦 今日裴爺與小姐成親分付安排筵席可曾

完備未曾 末 完備多時了 老旦 吉時已到分付

掌禮請新人 末應呼掌禮介爭扮掌禮上向內

揖念介 伏以風流才子謫遐方瀟灑佳人出華

堂燭影輝煌燭此際分明一對好鴛鴦云云 又

簪俠記

解念介

鸞車鳳駕初來到玉樹瓊枝相映耀金

鴨香浮嫩玳筵神仙一對離蓬島云云

生巾服

旦冠帶丑外小生扮從隨上

意難忘後蟾宮畔鵲橋邊是人世神仙聽簫聲縹

緲鳳影聯翩

生旦拜照常科

念介伏以才郎女

貌相當天然分付成雙地久天長難計五男二

女成行男作公卿將相女嫁君宰侯王從此榮

華富貴更兼福壽無疆云云

各送酒照常科

俏奴嬌

生

璧月高懸更彩雲萬朵画堂繞遍祥光

清華燭熒熒星燦試看孔雀屏間鳴鳳樓中于飛

雙燕合歡宴隨鸞鶴入青冥此際裴航堪羨

前腔且天邊金漢初填正碧霄萬里片塵無染雙

星見桂帳飄飄風煖試看玳瑁梁間蘇合香中雙

棲海燕合歡宴看玉杵會藍橋此際雲英堪羨

鬪寶蟾老且蹁躚謫下雙仙是有緣千里一朝相

見似雙絲絲纈同心金篆輝燦香飄連理盤光生

比目鮮合結良緣從此賦就桃夭看取歡情無限

前腔衆聯綿會合雙鸞是女牀飛集歸昌相喚似

團團寶鏡動搖紈扇璀璨合歡照四筵同心影萬
年合結良緣從此曲奏關雎管取歡期無限

錦衣香

生旦

洛浦邊天台畔巫岫巔江皋畔紅線

姻聯赤繩緣絆說甚麼雲來似墨瘴如烟且吹簫

鳳嶺合香龍川

合

喜中屏却從借劍看批鱗已成

貧雁此日緣非淺百年姻眷兔絲根帶從風無斷

漿水令

老旦衆

最堪誇玉姿郎面恰相逢桃花婦

顏遙看五嶺作盟山還將漲海設誓彌堅

合今日

裏天可鑒休教溝水東西怨南山上南山上鴛鴦

不散長交

以長交頸歡慶千年

尾聲

共

洞

万佳氣春應滿看錦帳香溫夢煖莫使

靈虬促夜

則

銀漢星迴一道通

青鸞飛入合歡宮

若非羣玉山頭見

會向瑤臺月下逢

第十三齣

小旦帶丑淨扮侍女上

逍遙樂隔院春催緊多少落英相倚恨青娥紅臉

笑來迎向碧闌干外赤玉樓前緩步閒吟

集古曲

枝中水上春餅歸長楊掃地桃花飛清風吹人

光照衣光照衣在鳳樓弄嬌響發清謳奴家可
汗之女性喜繁華情耽絃管如今春光垂暮花
氣漸闌趁此晴日好懷且向園中少步待兒們
隨我來
爭丑老旦旦隨行介

宜春令

小旦

穿芳徑步翠茵薄羅衣風來自輕柔

情耿耿爲花長抱三春恨撲風塵香褪衣襟篩斜
日簾移碎影人都說白艸城中春不入看起我那
園中的光景呵算分明名園金谷皇州淑景

前腔

衆

銀題影玉砌陰促東風春歸幾程徘徊對

景隔林啼鳥如相問飛不到半點紅塵掃不聞幾

重綠蔭都主你這等花容月貌埋沒在這里算分

明鸞棲枳棘花埋幽小旦 且喜今日問你此意

們把平日學的歌聲將來開耍一回 衆應介

金字經大葉介 暗飛聲散入春風滿洛城曾絕朱

纓吐錦茵茵也麼茵愁中柳盡生想那宋禕風流

韻九成

前腔彈琵琶介 寄春情掩抑淒鏘多好聲袖拂龍

門空白生生也麼生懷風殊復清想那發動明君

節俠記

怨未平

前腔

歌介

動朱唇春煖江城斜日陰香上宮商且

雜陳陳也應陳鶯啼漢苑春想那撫節韓娥度曼

聲

前腔

舞介

試斜身長袖迴鸞市欲傾鶴傾低鬟逐

上聲聲也應聲衫飄曲未成想那飛燕翩翩掌上

輕

猶兒墜

小旦

清歌艷舞飛雪共停雲莫惜追歡笑

語頻蛾眉好赴漢宮春

合

娉婷且樂青鏡韶年白

辰衆郡主你有天色已是晚了

開林選勝浮影忽西沉傑閣烟含石氣青一

方明月可中庭合前

錦城絲管日紛紛半入江風半入雲

此曲只應天上有人間那得幾回聞

第十四齣

小生僧粉略賓王上

一剪梅振錫空山踪跡幽象外浮游世外閒游屐

間猶佩舊吳鉤謀在心頭恨在眉頭古來名利若

浮雲人生倚伏信難分朱門無復張公子願亭

誰識李將軍自家駱賓王是也何與李蒼公共
起義兵同討武氏不意英公敗亡我以計脫脫
髮爲僧改號無名避跡嶺南豈欲暫脫是非正
思永離生死我想起來奔走風塵終爲自迷愛
欲皈依淨土方能不墮涅槃打破了幾座愁城
跳出那無邊苦海神開金葉塵沈玉池四大體
真無拘束夜誦靈花晨踏忍草二六時常得逍
遙繞禪扉淡淡蓬山青不斷侵講席冷冷液水
碧常流開闢又閉闢那管落花飛雋字出定復

人定不知巢燕污袈袈禮金姿瞻寶相而道
光映七寶雕牀閃閃參象座展降臺千條纓絡
隨五雲錦帶飄飄金花銀花青蓮花誰識何時
開放銀鉢玉鉢水晶鉢忽從甚處飛來爐焚馥
馥芬芬非雲非霧以旃檀香瓶泮清清淨淨似
玉似冰的琉璃水頭頭梅萼燦燦爛爛間曇花
天外猿聲切切淒淒和梵語瘴海空山熱而火
宅自晨涼雷州白日濛而重昏常夜曉吹布袖
絲絲挂着一輪明月何必紫綬金章麻鞋竹杖

踏破幾處孤雲。寧羨瑠輪珠履。吐忠義于紙上。
皆是業障緣塵。何如臆藏貝葉。咏月露于毫端。
盡勸髮言綺語。孰若舌吐青蓮。呖社鼠賊狐不。
過毒蛇狂象。豈必伏降。北雞啄燕亦是木怪。山。
妖任他焦備。永斷那無明無無明。自然火內披。
蓮收拾了。非想非非想。畢竟空中生樹。不住了。
不住。心不住。天不。透空脚是色。住于無住。無生。
篇無生鄉。無生觀。看破色卽是空生。乃不生。真。
箇六念靜心猿。果然三循祛愛馬。在我道念。雖。

欲偕上人同往不知尊意如何小生諸公青雲
貴客臭味相投正以相訪山僧是世外之人澆
避跡深山不得追隨了未上人裴太僕忠肝俠
骨虛左迎賓正是我輩中人上人旣卓錫此地
豈可不一相識那裴太僕呵

三學士賈傳才高多朗秀更兼倜儻風流西園向
慕夷門客東觀羞爲白版侯取日虞淵遭佞搆邀
杖履好共遊

前腔

外

抗疏撻鱗真罕有更兼他意氣橫秋爭上

人你高人應下陳蕃榻我逐客還登謝朓樓

小生

豪杰堪爲方外友明日裏願共遊旣承諸公相挈

須索同往

衆明日相候同行便了

淨蕭寺房廊竹飈風

未幾年辛苦與君同

外心中無限不平事

小一宵清話又成空

第十五齣

生帶雜扮院子上

卜算子南越暫羈身曠海沉雲黑它鄉側健在

賓門外多車轍舊國三年別關河萬里思歸心恹

有夢掩泣向南枝

官面奏彤庭放逐堪憐

品乃向流此地得諧示晉雖未展報國之心反
得遂有室之願且喜頭頗堪取酒囊中儘可

留賓座有高人搗門參長者卓生平壽願足矣
院子有客相訪快來迎報雜應介爭小生末外

同上

前腔襍穢訪蘭英下馬炎威失垂楊一帶遶朱門
遠艸俱含碧雜通報介生出迎進見介生諸公飛

鷺翔鳳望重時流小生羊質虎皮寔切素想衆

裴兄俠節雄風抗取日之義英年貴族虛下風

之懷久願識荆寔忻御李生見小生驚介駢兄

爲何祝了髮小生山僧無名避迹久矣生泥吟

介外背介我知道了介看他遠心曠度翩翩豪舉

劉生一腔熱血今番有用處了生張大人朝廷

之上白大人謫貶老成彫謝只有秋梁公一人

砥柱中流其餘碌碌庸才國事知之奈何下

管何足挂齒只是承嗣賜張秦授孤媚竊窺神

器毒流縉紳我輩深爲痛心生俞先生以布衣

伏闕謫居庫廩更爲難得小生怒臂當車自

取戮辱慚愧慚愧

生

敢問劉將軍何以便往

了外下官少負意氣

豈肯北面以事婦人既不

能借尚方之劍以斬佞臣只索拂衣歸隱生上

人教振禪林性超塵外視我輩之升沉真是一

場大夢

小生

山僧生稿之人何足比數據山僧

辭是唐家王氣方隆牝雞之鳴有日魑魍之技

將窮諸公不足爲慮

生

既辱冒暑枉顧小園儘

可納涼聊陳雞黍請教片時

衆

不當奉擾生叶

院子快設酒到西園水閣上來

雜應介生請衆

行介 薜荔山徑入荷菱水亭開雜 稟老爺酒完

備了 生送酒介

画眉序 西園宴佳客 蟪蛄火漿盡 浮碧看池荷 跳
浪淚珠傾滴心 哽咽孤鼠當途歡宴會 羊求相集
合 清泉百尺寒飈栗 目醉碧紗牕北

前腔 衆 槐陰覆庭屋 翠藻當軒弄 金色碾玉盤朱

李靜沉寒碧 瞻北闕有日刀頭笑 佞倖都冠巾帽

台前主 諸公夕陽西下 野烟如織 景色儘可佳

觴我輩 頻開懷暢飲

滴溜子

序末

你道是你道是園林烟霧如織又誰

知又誰知繁陰轉移蔽日罷罷拚一死五羊城北

小生外

同把人間閒是非總付浮漚跡甚
高歌

莫負杯浮琥珀

鮑老催

衆

鄉關阻隔炎雲眇眇遮山色愁腸切切

頭應白喜朋儕共閒歌情綃密黃昏月照歸未得

消愁飲盡杯中瀝恐林將盡愁無極

雙聲子

衆

論交誼論交誼習習風生腋遇知心遇

知心懇懇盟金石投車轄投車轄情未極情未極

南史記

上四十三

水

拚夜深沉醉冰盤狼籍

餘文

泉

竹影桐陰映瑤席雪藕冰壺瀉玉瀝可惜

情長馬歸急

萬戶傷心生野烟

平臺賓客有誰憐

相逢意氣爲君飲

愁破方知酒有權

第十六齣

旦上

鳳皇閣兼葭倚玉曉起邀郎面翠蛾青黛新
羅映絲羅堪笑鴛鴦獨宿更憐那燕巢故土
爲妻
子蒼茫雲海聞沉吟對遷客歎息未應
奴家

自嫁裴郎之後見他座客常滿尊酒不空終日
與賓客們往來但恐那奸邪知道或把衆衆的
名色誣害他也不知昨日母親教我勸解他
我想他忼慨好交一定不肯聽的這幾時來我
常見他扮榆在念歸興甚濃少間待他出來且
把母親的說話勸他一番若不聽時到不若隨
他回去那時只好斂迹在家豈得復與人來往
或者得以保全道猶未了裴郎早到

生上

前腔花明五嶺北雁歸飛入杳冥何時不起故園

情豈得佳賓顧問釀綠蟻牀頭未罄夫人拜揖且

相公萬福你在何處來生我倍那賓客們來且

相公我常聞大臣退廢當閉門謝過不宜交通
賓客況且如今法令嚴酷你終日與賓客往來
只恐那告密的奉承奸佞不說你結客論交反
說你招亡納叛以妄論之及早謝絕庶可自全
相公你聽我道

桂枝香孤臣匡正羣兇懷恨若不計就藏身只恐
那含沙射影早潛踪杜門潛踪杜門交游遠屏莫

教訓纍纍細評論須知得罪風霜苦莫負全生天地
仁生夫人你道這些賓客呵

前腔廟廊豪俊山林嘉趣終不然爲患難相侵竹
廢却金蘭投分且招尋友朋招尋友朋憑此講義
存亡何論莫勞神人生自古誰無死此義氣結
客心且相公你與賓客往來雖是好事但還此集墳
墓在此終日宴樂恐引事體生夫人說那裡話
我丘隴荒蕪歸心久切但恐道路艱苦不知你
與岳母意下如何且相公所見這是正理奴家

焉敢有違就請母親出來商議同行便了母親

有請 老旦 盧母上

海棠春憑軒涕泗流羈望傷千里 見介 女孩兒你

接我出來有何話說 旦 官人故園興思欲圖歸

計特請母親商議同行 老旦 此事却好只怕

被人得知恐有不便 生 這都在女婿身上岳母

放心 老旦 既是這等就此收拾起程

長拍 生 望裏關山望裏關山王孫愁緒白雲飛故

鄉何處 老旦 那嶺頭梅樹幾翻兒心慘流離山崗

轉黃鸝喜聲聲向枝頭喚人歸去客裏淒涼誰共
語怎禁得涉水登山道路時且盼垂楊那虞坂舊
風色料難免依依故主淒其

短拍

生

落魄天涯落魄天涯浮雲流水改村粧潛

行嶺陸去去首重圓弄舊遊幾番縈繫盼不見晉
原迢遞怎能勾隨風直至策歸騎返鄉閭

尾聲

共

遙看故國三千里無限風波訴與誰只恐

嶺外還將輕騎追

西原驛路挂城頭

人自傷心水自流

節俠記

日暮征帆何處泊

烟波江上使人愁